



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**De Vita Et Institvto S. Ignatii Societatis Iesv Fvndatoris.  
Libri Qvinqve**

**Bartoli, Daniello**

**Lvgdvni, 1665**

III. Iacobus Linez, Alfonsus Salmero, Nicolaus Bobadilla, & Simon  
Rodericus Ignatio socij accedunt.

**urn:nbn:de:hbz:466:1-10840**

distulit, dum sibi mutuo Ignatius, & Xauerius in S. Barbaræ Collegio occurrerent (illum enim vel sola Ignatij, Parisiis mora, nimis tenebat sollicitum) sed Ioannem Xauerij patrem per suos perpulit ut eum ex Academia domum reuocaret, quod tantum pecunia, spe nulla vtilis, in sumptus proicere, esset omnino superuacaneum, qui planè dolus hosti procedebat, nisi hunc Religiosæ Virginis & sanctæ contraria monita cluissent. Fuit haec soror Xauerij Magdalena, olim inter præcipuas Reginæ Catholicae honorarias, tunc vero Gaudiæ in cœnobio S. Clarae, Christi beatior famula, insigni dum vixit, & post obitum fama sanctitatis, & singularibus de celo suffragijs auæta. Illi cœnobio dum præcesset, præsciuit diuinitus quam vberem operam, Dei & Ecclesiæ rebus datus erat Xauerius: deditque ad patrem literas ut quanta ipsum diuinæ gloriae tenebat cura, tantoperè caueret ab reuocando Parisiis Xauerio, pergeretque suppeditandis illi quæcumque opus forent, donec Theologiae studia clausisset; hunc enim à Deo aiebat aperte, Indiarum Apostolum fuisse designatum, & in firmam Ecclesiæ columnam, & hanc diu seruatam Epistolam multi ab se lectam iuridicè sunt testati. Haud grauatè parens filia literis persuasus propter eius opinionem sanctitatis, omnem de reuocando Xauerio cogitationem abiecit: aliundè igitur cacodæmon aggressus Xauerij vota cuertere, quendam ad hoc Michaëlem Nauarrum, genere, & animo vilem in furorem egit, hic videns Xauerium, cuius alebatur sumptibus, totum se Ignatio credere, futurūmque ut totus pariter in eius vitam egentem, & humilem transiret, decreuit eodem scelere, victimum sibi qui erat defecturus, & dominus Xaueriæ honorem qui abiiciendus, vna stabilire, idque tollendo è viuis Ignatio. Quod erat scelesto nimis ex voto successorum, nisi sollicitus amborum Deus auertisset istum ab Ignatij corpore, qui erat Xauerij animum confossurus; dum ergo sicarius scalas iam frigide inscendit, ut improvisus suo in conclavi adoriatur Ignatium, voce terribili sistitur, quo te infelix? & quò tendis? quibus perterrefactus, suique dubius, ac tremens aduoluitur Ignatij pedibus, & deliberatum confessus crimen, & criminis causam, veniam petiit.

Secuti sunt in disciplinam Ignatij Xauerium adolescentes Hispani duo, III.  
egregiis dotibus Iacobus Lainius Almazanensis (qui est in Sequenzi Diccesi pagus) & Alfonsus Salmero prope Toletum natus. Prior annorum vnius & viginti, alter decem & octo, raris uterque ingenij, studij, doctrinæ, & supra etatem ornamenti: erat enim Lainius in Philosophia magister; Salmero præter haec, Græcè, Latinè, Hebraicè callens. Compluto illos confessis studiis Parisios pellexit, haud tam illa cupido, familiaris veteribus, consuetudine præstantium ubique hominum fruendi; quam Ignatij sanctitas, cuius remanserat Compluti, & afflabat Parisiis Complutum is odor, ut eius videndi studio, audiendiisque ex eo pietatis doctrinam, dum specularentur subtiliores scientias, in Galliam venerint, & Deo placuit, professionem hanc non obscurè probare: cum iis Parisios ingredien-

Iacobus Lainius, Alfonsus Salmero, Nicolaus Bobadilla, & Simon Rodericus Ignatio socij accedunt.

N 2 tibus

ribus primum obiecit Ignatium, quem cum Lainius vidisset nunquam, quia tamen sanctum inquirebat, talisque aspectu & incessu visus Ignatius; creditus est esse quem experierat; & quasi excipiendi sui causa diuinitus misso, amicum se ac discipulum dedit, magna sua & Ignatij voluptate, gratulantis sibi, lectorum accessu militum, Deum suis desideriis fovere. Nec enim hic solum, operis socius quod meditabatur, illi venit, sed eidem fundato iam operi post Ignatium præponendus. Hic enim ille est Iacobus Lainius, qui sparsis Europa & Africa, claris pro Ecclesia Dei laboribus, qui Pontificis Theologus, Synodi Tridentinæ, præfens saepius admiracionem promeritus; qui paratam sibi à Paulo Quarto sacram purpuram constanter auersatus, vitare non potuit quin ab Societate defuncto Ignatio iudicaretur si nullimus, eique præficaretur Generalis: quodque inter tot laudes splendet augustius, par orbi regendo habitus, ei se oneri demissione sui verecunda, fugaque subduxit, cum duodecim Cardinales in secreto concessu de Pauli Quarti successore, hoc ipsi tentarent imponere: raro in historiis exemplo vocandi hominem ad Pontificatum, quem nec Mitræ, nec purpuræ honor antea decorasset. Comitem, non diu post, secutus Salmero, exercitiis cum illo ab Ignatio excultus est, ea in utroque contentione pietatis, ut totum triduum absque ullo cibo peregerint; Lainius alios quindecim solo pane & aqua contentus; præter cilicia, flagella, & nudis in tabulis somnum breuem. Diuersam ab his in Nicolao Alfonso viam init Deus. Huic cognomen Bobadillæ, natalis prope Palentiam pagus fecit. Vallisoleti iam philosophiam cum laude non vulgaris ingenij docuerat, & Theologiæ cupidus Lutetiam venerat, vbi eum egestas ad Ignatium compulit, postquam enim recessit de frequenti, & larga multorum liberalitate, quam nota sanctitas conciliabat Ignatio, subsidij aliquid ex eo quæsivit, optabiliori prorsus quam sperauerat euentu; nam præter pecunias ad victum, pretiosius ab eo lucrum tulit, auxilij ad salutem animæ efficacis; unde Ignatium sentiens meliori quam primò rogasset moneta diuitem, post mensem obitum in Exercitiis, quintus ad eum socius accessit. trium de quibus egimus cum Ignatio nexum præcesserat, summa cum eo Simonis Roderici Azeuedij necessitudo: natalis huic erat Buzella pagus, Diœcesis Vilsei in Lusitania; parens Aegidius Consalvius loci primarius, qui morti proximus, vocarisque liberis benè adprecatus, amissis ab se natu majoribus, oculos in Simonem vertit, qui tum matris Catharinæ Azeuediæ brachiis gestabatur. Diu vero & tacens infantem contuitus; hunc ait, Domina, enixè tibi commendatum volo & peculiari sollicitudine educari, illum enim Deus magnis in sui obsequium gerendis destinat. Videtur pius parens priusquam huic luci clauderet oculos, præuidisse, quantum bonorum Europeæ, & Indiæ esset is infans allaturus ad subdendos Christo infideles, & restituendos dignis moribus Christianos. Eum igitur Deo pia mater, Deus eum sibi educavit, donauitque Angeli puritate, & charitate Apostoli: prioris fidem victoria faciunt iuueni reportatae de amoribus profosis.

brosis insidiantium sibi feminarum; alterum probant quos ante alebat communes cum Ignatio sensus de adeunda Palæstina, & infidelibus illic omni ope ad Christum addicendis; quæ mens illum prius Ignatio adstrinxit, quam Salmeronem & Lainium: Hanc enim cum eo dum communicaret aliquando consilij gratia, ut idem cognovit Ignatio inesse, iamque propterea illuc nauigasse, & nunc colligere socios ad profecitionem cum iis iterandam, componi rem cœlitùs credidit, nec absque Dei nutu, Regis Lusitani iussu, & sumptibus ad Parisensem Academiam missum, vt se Ignatio in socium daret: ita se illi absque vlla mora penitus comisit, cuius tenacitatem propositi Exercitiis spiritus arctius obligauit, in quibus et si ob valetudinem ex morbo debilem, asperitatis sociorum non potuit assequi, sed liquidius perspexite Deum yelle, ut sibi ex forma Ignatij inseruiret.

Fuere hi sex, Patriarchæ nouo Parisiis filij; tres alij postquam inde abscessit; nam præter hos quendam tuic valde optatum, nisi post annos aliquot obtinere non potuit. Erat is Hieronymus Natalis. Maiorice ortus, de cuius aduersus Ignatium refractario primum; tum docili genio hic à me oportet edisseri, ne si partem illius in suum tempus reieccero, quod dicam admutilatum displiceat. Iis fuit conditionibus Natalis, ut summa omnia ad Dei gloriam adeptus uno egeret Ignatio, cuius Apostolico instinctu moueretur: & invitatus quidem ab illo est; sed prius, ac multo validius à Fabro, & Lainio: verum petitiones illorum omnes alacris exiuit. Successit his Emanuel Miona animarum piscator egregius, & confessiones Ignatij audire solitus, nam & Natalem sibi confitentem audiebat. Verum vt abs se reposci aduerterit, cuius ne mentionem quidem sustinebat, tueri se indignatione, cum rationibus non posset, cœpit; & cur sibi tantoperè suaderet Miona, quod ipse non faceret: si tantum inerat cum Ignatio boni, prior sibi ad illud præiret; tum se ab illo accersitum, consideraturum quid factò opus. Sic spibus his quoque euaniidis, tentare ad ultimum si quid posset Ignatius voluit, vt cui doleret vehementer tantarum pro Deo partium iuuenem sèculo cedere. Die igitur quodam opportuni in illum incidens, in vetus facellum quasi aliud agens cum illo subit, ut absque interpellatore, cum eo aliquid de Deo sermocinaretur, quod ubi fecisset aliquamdiu, Epistolam profert bene longam, & fortè qua fratris filium urgebat, ut mallet Christo quam mundo seruire. Hanc porrò Natali Epistolam vti amico, & familiari dum tractim, & lente perlegit, insistens etiam nonnullis grauioribus commentandis, captansque hamo uno duos, fratris filium, & Natalem; sensit hic se interius pungi, móxque felix præda fieri metuens, suspicari se dolum finxit; re autem vera, Deum Deo opponens, librum product Euangeliorum, eumque Ignatio ostentans, hunc, inquit, mihi certum est sequi, & hic abundè est: si præstantius nihil habes, frustra es, nec ego te sequar, haec tenus quidem tu, ac tui qui sitis, haud scio (vestrum enim, vobiscum arcanum, habetis soli, & intelligitis)

IV.

Natalis vero  
cato.

N 3

qui